


Edizione Diplomatica


[c.141rB]



Peirols et enbernatz del uentadorn. xu.

A Mics bernartz del uentadorn. Com uos podetz del chan soffrir. Quant aissi au-setz esbaudir. Lo rosignolet nuoit eiorn. Auiatz lo ioi que demena. Tota nuoig cha(n)ta sor la flor. Mielz sen ten que uos en amor. **P** eire lo dormir el soiorn. Am mais q(ue)l ro-signol ausir. Ni ia tan sabrias dir. Queu ma-is en la follia torn. Deulaufors sui de cade-na. Euos etuich lautramador. Es remazutz en la follar. **Q** ui ab amor nos sap tener. Bernartz greu

[c.141vC]



er pro ni cortes. Ni iatan nous fara doler. Qe

mais non uailla cautre bes. Quar si fai mal puois abena. Greu ahom gran ben ses dolo(r). Mas ades uenz lo iois lo plor. **P** eire si fos al mieu plazer. lo segles fatz dos ans otres. Do domnas uos dic en lo uer. Non foron pregadas per nos. Anz sostengra ta(n) gran pena. Quellas nos feron tan donor. Qa(n)z nos pregan que nos lor.

B ernartz so es desauinen. Que domnas pre-guen anz coue. Que hom las prec elor clam-merce. Et es plus fols mon esien. Qe sel que semenenarena. Quilas blasmas ni lor ualor. Emou del mal enseingnador.

B ernartz foudatz uos amena. Quar aissi uos partetz damor. Per cui ahom pretz eualor.

P eire qui ben ama desena. Quar las tric-haritz entre lor. Antot ioi epretz (et) amor.

- letto 308 volte

